



德政
87

何汝霖

知所止齋自訂年譜

受業年家子胡嘉楷謹題

收放心齋

知所止齋自訂年譜
國一第 卷一第 13417

受業平容千陸壽齡題

味
天
山
齋
自
信
率
普

諭賜祭文

六卿分職勳勩資禮樂之官三
錫酬庸褒卹備榮哀之典憶論
思於密勿蓋績長留獎勤勩於
踐敷之函載責爾原任禮部尚

諭賜祭文

六卿分職勳勩資禮樂之官三
錫酬庸褒卹備榮哀之典憶論
思於密勿蓋績長留獎勤勩於
踐敷芝函載賁爾原任禮部尚

書何汝霖稟懷誠慤立志清方
裊躬嚴圭璧之修淹學樹巖廊
之式克詳儀物起家聿始於經
明無愧科名觀政早兼夫內直
躡丹梯以晉級秩三遷而

命贊機宜依紫禁以升華職九伐
而班高槐列出入雲霄之上為
國股肱翱翔日月之旁司天喉
舌溯

成廟握符之世進嘉謨而

帝簡允孚迨朕躬秉錄之初攝農
政而秩宗游掌軫頽齡之力憊
特予掖扶解樞務之心劬仍隆
毗倚庶登大耋長佐清時何末
疾之偶攸遂老成之淪謝求舊

笏而永維前事披遺章而彌用
愴懷寵以崇銜並滌因公之類
賜之經綬式增屬纊之光穀貽
俾與於鹿鳴模範猶昭於鷓序
卅載之成勞勿替禮特舉夫易

名

三朝之恩遇渥膺儀更申夫薦俎
嗚呼眷茲者碩絲綸揚史冊之
芬嘉爾寅清籩豆煥几筵之色
靈其來格尚克歆承

諭賜碑文

朕惟典隆求舊追宿德於寅清
恩獎成勞紀嘉謨於辰告益出
納重樞衡之選斯褒嘉增彝鼎
之光允勒豐碑載申巽命爾晉

贈太子太保原任禮部尚書何
汝霖敦學惟誠宅心匪懈秉大
江誕生之厚際

皇考特達之知名策萃科旋賡華
野階由水部久直薇垣溯自方

略青編憲司丹記稟經黃閣宣
制銀臺襄廷尉之持平泣宗丞
而進秩飭紀綱於雙闕薦繡鳴
騶周咨度於兩河駘征攬轡佐
司馬司農司銓之政五庫風清

承如絲如綸如綽之言九天日
近靡不持躬矩植臨事冰兢用
是游擢正卿回翔中禁曉仗縮
節趨之輓夏官崇獨坐之班惟
先朝之寵任迭膺迨藐躬而倚毗

尤切靖共爾位綜大禮以無愆
精白乃心贊明禋而有恪雖引
疾重違其請俾解樞務以養和
而延年素習於勞仍筦容臺而
致敬身後之章粹覽生前之議

胥蠲經被飾終更宮銜之特晉
親藩代酌尤世賞之永延表厥
生平謚之恪慎於戲汝職謹司
喉舌念老成尚有典型予懷痛
失股肱冀彝憲昭茲來許苾芬

式薦金石永垂

三月春陰正養花

韶華遲杏宛芳信問桃津

樓閣溟濛是池塘池醞頻

橫台治去陰正養花雨乍晴

乍雨乍晴梅子雨開愁問

日偏長初言用三月春陰正

去年今日此門中人面桃

池面魚吹柳絮行

三月春陰正養花華面迎

池面魚吹柳絮行

池面魚吹柳絮行

池面魚吹柳絮行

奏為

禮部尚書臣何汝霖跪

奏為臣病垂危伏枕哀鳴仰祈嗚仰

聖鑒事竊臣於十一月二十八日因猝中風寒痰

喘交作當經具摺請假蒙

恩賞假十日調理詎料數日來連服降痰補氣之

劑迄未見效祇緣衰朽餘生陰陽兩敗非草

木之力所能挽回延至本月初四日酉刻自

聖恩問萬無生理行將長辭

聖世受

恩未報哽不能聲伏念臣以江左庸愚由工部司

員在軍機處行走十餘年渥荷

宣宗成皇帝特達之知擢任京卿

欽差浙江東南兩河查辦事件旋奉

命為軍機大臣俾襄樞務其時海疆多事臣日夕進

見

先皇帝憂勤惕勵臣未能稍竭涓埃俾海宇早臻靜

花亞欲移竹

花亞欲移竹本欲居無

居末寧為箇移去只因花

骨為箇骨同此花

花骨作寧同為三之

童子躬逢盛若非個掩詎

童子青已紅徧右左加同

童子青峰峯明飛同作

童子筆墨飽童花亞欲黃

都復蒙

天恩逾格仍直樞廷

皇上御極以來更叨

渥眷由署禮部侍郎補授禮部尚書與襄奉移

山陵大事臣哀痛感泣思未報

先帝之厚恩冀稍竭愚忠於

陛下乃病體日就衰頹誠恐以曠誤滋兵屢疏懇
請開缺仰荷

皇上生成盛德僅令暫解樞職仍命備位容臺每
於奏事時屢承

召對垂詢楚粵軍務恨未見迅蕩妖氛上慰

宵旰臣憤懣焦急數月來飲食日逐減少氣血更

形不足雖勉強進署辦公固日望捷書報到
俾得與在廷諸臣優游

盛世不意福薄菑生遽將溘逝肝腸寸裂圖報未

能伏願我

皇上塵念時艱懃修

宸德恭儉以立裕

國之本勞謙以廣納諫之基慎號令以免叢脞
之虞明賞罰以一軍民之志行見櫓槍盡掃
寰宇乂安則臣雖死之日猶生之年矣一息
奄奄言不能盡北望嗚咽血淚俱枯惟命臣

子臣孫竭力盡心讀書勵品以畢臣未竟之

願謹口授遺摺恭繕進

呈伏乞

皇上聖鑒

吾家先世江西籍康熙間先曾祖賀遷至

江甯因家焉是為江甯始遷祖



曾祖考諱祥生累贈光祿大夫兵部尚書禮部尚

書

曾祖妣氏周累贈一品夫人

祖考諱世榮字洪源累贈光祿大夫兵部尚書

禮部尚書

祖妣氏陳累贈一品夫人

先考諱天錫字樹東 誥封奉政大夫 累封

中憲大夫 累贈光祿大夫兵部尚書禮部

尚書

先妣氏丁 誥封宜人恭人 累封一品太夫

人 晉贈一品太夫人

伯父諱天昌字秋岩 誥贈奉直大夫 晉贈

光祿大夫禮部尚書

伯母氏胡 誥贈宜人 晉贈一品夫人子守

禮早卒兆恂出嗣

汝霖敬述

細

細改新詩須枕上

細改新詩須枕上

細改新詩須枕上多栽紅

清辭喻受辛夢方醒栩栩

夢方醒栩栩因已謝陳陳

風勢了於西樹因民之利

櫻桃九熟梅雨暖暖茶烟

茶烟輕脆落苑風白受辛

之善為師靈托于筆行

靈托于筆竹清焚一瓣香

寧雪門前之春風度上揚

移情吟泊水見美列官牖

於而中寄禮南中播以芳

知所止齋自訂年譜

余生於乾隆四十六年辛丑六月十三日子

時祖居江寧柳葉渡門與常平倉對屋後

濱河兆瀛謹案世父守仁公戊戌年生長先大夫三歲

壬寅二歲

癸卯三歲能識二三十字大父頗奇之

甲辰四歲里中附近各街名麤能辨識每出

僕人尾余行不誤也

乙巳五歲十二月二十九日三弟汝舟生

丙午六歲二月二日子夜鄰人不戒於火是

日大父及先公俱外出男女大小十餘

口倉皇出走暫避對屋之常平倉皆露坐草

地上天明大父及先公甫聞信奔歸而

屋宇家具俱付灰燼大父仰天叩謝曰幸

人口平安他不足計也俗凡被火之家口雖

至戚亦不肯留因暫居一葦菴僧舍越日乃

半江紅樹賣鱸魚

移居施家巷六月賃徐家巷馮姓屋與同居
而家道中落矣冬破蒙從韋先生讀

丁未七歲從許先生讀

戊申八歲

己酉九歲改從金先生讀宅南鄰也

庚戌十歲徙居甘雨巷此屋買自劉姓計十

六間後臨支河較數年來所賃之屋稍寬綽

矣再從韋先生讀

辛亥十一歲是年多病未能日逐赴塾歲終
僅畢魯論

壬子十二歲

癸丑十三歲附車兒巷劉姓家塾從王先生
其棟讀先生習思翁書求者至集終日疲於

筆墨酬贈從游者又衆課程不暇給遂多曠
焉是年授毛詩

甲寅十四歲仍從王先生讀破筆作文

乙卯十五歲同學王名守宗者見余文筆清
利約同受業於其兄海門先生肇宗先生一

見輒刮目爲講貫尙書及禮記並授爲文之
法先生旋就顧氏聘去因屬其族人名正宗
者代課生徒此君多病間數日一到館舉比
擁虛名而已是歲余纔成六七菽改正者亦
僅一二篇入冬 大父病因素愛余遂留侍
疾十一月 大父病不起隨 先公料量殯

葬復廢學焉

嘉慶元年丙辰十六歲訪名師不得逐日自課溫經臨帖之餘學為詩

丁巳十七歲從汪晴江先生楫遊上元宿儒

也師謂曠學三四年不遽令讀書作文但終日面壁靜坐先收放心月餘始命溫經並為講解大義又月餘乃命作文自恨時過後學勤苦難成每夜讀至漏下三鼓而心境亦漸

刑期無刑
垂庭魚映沼指點

開豁

戊午十八歲春應童子試冬院試不錄益發奮不敢少懈

己未十九歲再應童試院試仍不錄

庚申二十歲晴江師就銅井單某聘欲相攜而行不果乃遊張效川先生珠之門館課甚

嚴肅選古文及前明國初名大家之作授讀每課必蒙師獎謂為遠到之器暇並授以

詩賦

辛酉二十一歲院試考古學江邑僅取霖一

人而榜發仍未入泮益奮勉讀書無間寒暑

壬戌二十二歲縣府試皆前列院試考古亦

取中乃以第四名入學學使為平侍郎寬夫

先生恕題為人之為道而遠人至以人治人

次為出諸大門之外詩題西園翰墨林六月

大姪兆熊生兄守仁子也

寒

癸亥二十三歲三月兄守仁卒就汪慤齋刺

史聘乃授徒焉與同學顧紫封汪雨林為文

會就正於胡愚溪先生本淵嘉慶元年月三

課並入鍾山書院肄業長教沈先生甚許可

試輒優等冠其曹

甲子二十四歲春伯父秋岩公卒四月學宮

尊經閣燬於火方伯康懋園先生基田籌款

重建就其地改尊經書院延黃右軍員外鉞

講學其中余以甄別列外課旋以三優等升
內課學使科試考取一等應鄉試不售

乙丑二十五歲秋大母陳太夫人卒冬辭

汪氏館讀書於家而家道益消落負逋愈重

歲試一等學使為莫太常

晉

丙寅二十六歲在家授徒境况益艱窘幾至
饕殮不繼計畢生食貧之日少年為多而是
年為尤甚一日先大夫諭云爾刻勵讀書

寒窓重衾覺夢多

寒窓重衾覺夢多

寒窓重衾覺夢多

幸列庠序一應秋賦又未售此中不無鬱鬱
然皆天之欲玉汝于成也凡人處貧賤則伎
求易生伎求生則品日污下當此而能有定
識定力窮且益堅庶幾磨礪可以成器爾其
勉之毋自棄以負天也

汝霖

謹識之不敢忘

丁卯二十七歲春就朱玉田聘館於門樓橋
來遊者日眾鄭夫人來歸旌德鄭公傳棟次
女張效川先生女甥也是年鄉試仍不售

戊辰二十八歲二月子恩元生三日而殤鄭

夫人病幾不起越數月始愈鄉試不售

己巳二十九歲五月伯母胡夫人卒六月次

子兆瀛生

庚午三十歲科試考古俱列一等旋以一等

二名補廩膳生學使為長白玉文恭公麟時

官工部侍郎科試題為惟孝友于兄弟施於

有政文刻入江蘇試牘考古題耕織圖賦詩

題石磴埽春雲鄉試不售

辛未三十一歲考古一等第三名歲試一等

第一名題為惟善以為寶舅犯日學使為長

白文遠皋先生榦十二月大女淳官生

壬申三十二歲來學者益衆生徒所作詩賦

制藝為之刪改幾無虛日生平筆耕之勤是

年為最矣

癸酉三十三歲文閣學師科試余又列一等

一名題為有斐君子至威儀也詩題源如囊

口遂報考選拔榜發府學拔取吳太史坦温

戶部肇江上元伍中丞長華江甯則余名倖

入選焉七月三院會考制軍為百菊溪先生

文敏公齡中丞為朱錦齋先生理旋應鄉試

不售十一月二女和官生

甲戌三十四歲三月與温翰初肇江結伴北

上閏月望後始抵京下車於上江兩邑會館

時會試諸公甫出場以人滿為辭堅不留住

正徘徊無計而陳仲衡汪竹香兩孝廉獨曰

拔貢亦應廷試者館例應留住何妨同屋而

居遂納焉迨會榜發吾邑中六人而皆非現

住館者遂紛紛南歸乃與翰初移榻瑞芝軒

兩人始得潛心下帷六月十日貢院考題為

堯舜之道不以仁政不能平治天下詩豐玉

荒穀主試為茹古香秀楚翹陳雪香顧雲巖

吳雲樵五先生榜發取中江蘇二等十六名
 七月 保和殿朝考題為已欲立而立人已
 欲達而達人詩題花為四壁船為家取中一
 等四名閱卷大臣為董蔗林相國章桐門戴
 可亭胡西庚三尙書盧南石果益亭王蓮甫
 黃左田四侍郎由吏部帶領引
 見奉

旨以六部七品小京官用簽分工部七月二十七日

寒慮

到署與陝西徐法績同分營繕司行走以端
 木俊民太史薦館於譚宛江孝廉家遂移寓
 西安門內

乙亥三十五歲温翰初徐臨川愈恕堂俱館
 內城龔甯人編修亦家於西安門內數人過
 從甚密散署後仍理舊業冬翰初南歸是年
 派充營繕司主稿

丙子三十六歲應京兆試不錄送考軍機章

京取中十六名未記名內叔鄭灌甫先生佐

廷擢鹿港司馬來京內兄聘三家珍偕來灌

翁留贈一車此後始免徒行矣灌翁之子晴

峰家寶留京鄉試往來文讌頗申蘭契晴峰

工詩文無貴介氣可敬也

丁丑三十七歲正月因感冒大病月餘顧君

鄭薌間日一來診至三月杪始霍然先大

夫暨丁太夫人挈眷附糧艘北上五月十

七日迎至楊村上船叩謁仍命回京六月初

抵通又往迎至西四牌樓帥府胡同賃屋居

焉遠離膝下瞬及四年聚首一堂歡然相慶

是行也丁恒春舅氏三弟蓮仙與鄭夫人子

兆瀛及二女俱來七月行走三年期滿引

見作為實缺七品京官并派兼製造庫料估所行走

戊寅三十八歲京兆試不售卷出王太史小

華先生名惟詢房取謄錄譚生以療卒遂解

館家居冬移居宣武門外南柳巷與太原温

伯槐啟熊員外同年梁曙亭恩照比部結隣

樂數晨夕相得甚歡

己卯三十九歲京兆試不售是歲為先大

夫七旬正慶演劇稱觴同鄉及同年生製錦

為壽老人顧而樂之恭逢

萬壽覃恩 賜贈祖父洪源公承德郎 祖母陳氏

安人 誥封 父樹東公承德郎 母丁氏

安人

庚辰四十歲五月六年期滿奏留本部作為

額外主事七月驚聞

仁宗睿皇帝龍馭上賓遂齋宿於署襄辦一切喪儀

梓宮自熱河旋京堂派往懷柔監搭蘆殿其地卑窪

又兼積雨潦水尺許柱木不得立竭數晝夜

之力始釐定規模半月乃竣事未旋京以前

已奉派充總辦責愈重諸務益蝟集矣每歸

省 先大夫必勛以受

朝廷厚恩凡心力所能到者毋引嫌毋偷安求盡
所當盡而已再遇

覃恩貤封 祖父母 父母封典如例

道光元年辛巳四十一歲春襄辦 奉移大

事前赴易州與訥近堂福久亭常潤齋慶鍾
齋諸人敬慎從公每至夜分尙不成寐竣事
蒙

恩賞加隨帶二級旋京派查議

壇

廟升配升祔事又充 實錄館校對官七月二十九

日 先光祿公因感時疫洞瀉數次醫藥無

效遽爾仙逝嗚呼痛哉 先光祿公體氣素

壯先因京師時疫大作自製藥餌施散附近

居人方深感德豈料遽爾不起耶八月發引

移供夕照禪寺十月赴兗州以訥近堂新任

究沂觀察見招也兩月餘自究旋京
壬午四十二歲是年吾鄉糧艘適屆停運因
附蘇郡幫船恭送先光祿公靈輜南下八
月杪抵邗江乃另覓大船安奉靈廡行數日
抵石頭城泊焉戚友咸來致奠越數日繞水
西聚寶兩門暫寄蒼聖廟僧舍大姪兆熊來
同守靈九月徧訃邑中各親友受弔因浼甘
丈夢六先生卜兆周厯南郊各山十一月乃

得地於南門外打魚趙村十二月初三日安
葬歸吾家老屋數椽人滿無隙地因假館於
章荆帆太史沅家晨夕晤聚猶是十餘年前
爲諸生時同硯會文光景迺度歲焉

癸未四十三歲春買舟赴楚南訥近堂廉訪
之招行至皖江晤汪芝亭太守恩知廉訪已
奉諱北行湘中之遊遂不果又返白下四月
偕荆帆北行五月旋京甫卸裝近堂又以署

山東臬篆堅約為伊課子遂同行六月抵厯

下時吾鄉朱莊恪公

桂楨

為魯藩周石生

開

麒以新探花假歸過此見訪同館柏署中朱

為鄉先達周乃同學之舊少年客邸往還頗

不岑寂十二月回京道出津門訪葉芸潭都

轉韓對山觀察抵家已祀竈日矣是月釋服

奉太夫人移寓於琉璃廠荆帆太史居宅

之西命

兆瀛

往受業焉

甲申四十四歲二月到部初頤園大司空

彭

齡派兼都水司行走仍兼製造庫料估所主

營繕司稿

乙酉四十五歲余自己卯秋試後南北奔馳

久荒舊業夏初荆帆太史諄勸下帷迺請假

習靜循例入場榜發中九十六名舉人

兆瀛謹案

是科順天鄉試題係君子易事而難說也說

之不以道不說也萬物並育而不相害必使
仰足以事父母俯足以畜本房為海豐吳遜

妻子讀書用三餘得餘字

甫先生式敏撥入平樂何昭甫先生彤然房

座主則長白玉文恭公麟吳興姚文僖公文

田錫山顧晴芬先生皋余九試秋賦壯志已

灰此舉誠得之意外惜先大夫見背已五

載夙昔殷殷期望今不及見為可痛耳九月

咨取保送軍機章京陸文恭公以莊取余第

一名送考樞垣考試以第四名仰邀

記名冬九年報滿奏請作為候補主事十一月為男

兆瀛娶婦溧水蔡子笏溥次女

丙戌四十六歲會試卷出徐仲陞太史廣縉

房以額滿乙之八月隨耆介春少司空英前

赴班均一帶查看吉林官兵過境有無滋事

一案御史楊殿邦奏也半月竣事回京同行

者文一飛冲十二月女孫書官生

恩賞大丁亥四十七歲恭遇

孝穆成皇后由王佐村奉移大事堂派總辦自五月

至九月甫竣事蒙

恩賞大緞二卷是年三月丁太夫人七十正壽演

劇稱觴一日秋奏充琉璃窑監督兆瀛謹案吾鄉學宮

奎星閣向係銅閣頂二百年來剝蝕殆不完

固先大夫迺捐資燒藍色琉璃頂一具由

糧艘載至白門學中友人擇吉換蓋煥然一

新吳達夫孝廉介寶有長歌一章記其事曰

斗魁筐戴光陸離焯照璧府稱宗師上鏡一

宿日璇璣元精中貫神珠馳誰探驪手將其

鬢光氣耿耿騰文奎吾鄉皮閣報且祈國

華蔚若神能為倒映金碧留泮池鑄金冠首

圓不欹歲久淋炙無環姿昏黑繡澀封塵緇

形家言當析木支其色尙青難磨治欲議以

冠籌無貲水部何郎笑且嗤冬官陶旅職所

司捐金甄作青琉璃瓊包席裏來江湄圓光

頂上君先窺循顛勝舉茲獨持此邦文苑生

光輝碧月仰照勢卓推紺珠記事咸無遺報

君筆落
千牟尼
戊子四十八歲五月奏充軍機章京時領頭

直者何申畬比部增元直廬公務較部曹尤

重大賴前輩諸公隨事引導而匡正之乃可

黽勉從事八月充方略館協修官孫開官

生

己丑四十九歲再上春官不遇充平定回疆

剿擒逆裔方略總校官同是役者蔡槐卿勳

徐穎暉思荃許玉叔球責綦重也八月

聖駕巡幸

盛京職司簪筆敬謹扈從往返六十餘日途中

所歷別載瀋陽紀程一冊是冬孫開官痘殤

鄭夫人以痛孫情切嘔血幾至不起

庚寅五十歲四月大女贅壻吳世昌壻為上

元歲進士吳名岐豐第五子也鄭夫人扶病

料量嫁事愈形倦憊九月為置四川陳氏女

為簪室方略告成議敘即補主事十二月奏

補都水司主事十九日鄭夫人卒卅載相依

深資內助一朝訣別感切人琴因丁太夫

人在堂觸目輒揮老淚歲杪乃移供夕照寺

禪院以解慈悲余挽以聯句有百事苦求

全耗盡一腔心血之語是年八月女孫瑞官

生

辛卯五十一歲春移居椿樹上二條衚衕夏
南中苦雨江安兩省濱江各邑俱歸巨浸七
月

命穆鶴舫朱詠齋兩尚書前往查勘賑務並驗收高

家堰及林家西滾壩各工派與程春嵐銓齡

秋卿鑑徐訪岩寶森隨往八月初二日升都

水司員外郎初六日出京二十六日抵工甫

查過劉老澗及兩岸絳堤至袁江宿焉二十

八日夜接寄信鶴舫尚書奉

命先行回京秋卿隨同先歸又

派總憲白小山先生同詠齋尚書同辦賑工各事於

是偃壩各工查竣後挂帆南下至泰州一片

瀰漫無可查訪遂返棹至揚州渡江登金山

循新開河至金陵因迴避本籍未入公館仍

借寓章荆帆家翼日掃墓畢即束裝親友皆

不及見復由石城登舟赴皖南北兩岸災區
悉加履勘十一月十二日抵皖省寓學使行
轅提訊石埭命案月餘甫結適拜摺將啟行
復奉

命交安東一案乃自廬州至鳳陽沿途勘災由滁陽
改道十二月二十三日抵揚郡住嵯使舊院
因守凍至二十八日乃打冰前進於舟中度
歲駢征况瘁所弗敢言惟將母不遑遠違色

笑倚鐙枯坐悵然者久之

壬辰五十二歲正月三日抵淮安住學使察
院飛牒至安東提犯證半月始到奏結後北
行計是役查辦兩省災賑審結巨案三起驗
收河湖之工約二百餘萬兩二月十一日抵
圓明園銷差入直往返七閱月矣四月題升都
水司郎中二女贅婿吳際昌世昌弟也十月
兩婿挈兩女南歸翰初是年成進士分戶部

聚首春明往來文讌迴憶甲戌乙亥之歲同
客日下銅隄策蹇玉沼聽鶯蘭契久睽苔岑
復合每一接膝輒慨然於頭顱老大日月如
流不禁相視而笑也

癸巳五十三歲八月

孫承禧

生補方略館纂

修官夏子儀孝廉

塏

來館於吾家孝廉為余

諸生時受業弟子學問淵雅人品純粹因命

男兆瀛

受業兩世互為師弟亦佳話也

甲午五十四歲

京察保列一等加一級四

月郎中俸滿截取知府蒙

恩記名轉方略館提調官仍兼纂修官八月

男兆瀛

服闋初應京兆試

乙未五十五歲七月保送御史蒙

恩考取記名九月軍機大臣奏留內用註銷御史

兆

再應京兆試不售取謄錄卷出山西張薇

階編修

星燦

房

丙申五十六歲正月 京察復帶

特旨註銷郎中一等截取知府以應升京堂遇缺題

奏九月十六日

特授內閣侍讀學士不待吏部具題也次日

召對詢及入直年分並歷年派審各要案因自陳

母年八十迎養在京此後可免遠離膝下感

激

天恩再免冠叩頭謝

丁酉五十七歲三月 丁太夫人八十壽辰

戲綵稱觴一日 姪兆清 生弟蓮仙長子也四

月 四女慶官 生六月移居米市胡同宅為牛

次原先生 坤 舊居西院二松先生童子時手

植也今松已高過屋是年先生年八十二過

訪撫松盤桓歸而繪種松圖同人題詠甚富

余為題七古一章秋 慶官 殤

戊戌五十八歲十二月轉太常寺少卿歲暮

大祀駿奔襄事虔恪惟恐失墜是年子儀之弟子俊
 孝廉爽亦余受業弟子禮闈後留京過夏因
 館於余家命孫承禧從受業於是三世皆有
 師弟淵源矣時孫六歲讀爾雅能成誦子俊
 教以四聲之學亦知領悟子俊枕經笥史所
 為制藝神韻才氣俱不乏詞賦亦臻名大家
 古近體初學溫飛卿後乃辦香李杜醫其家
 學餘技也

己亥五十九歲春夏太常寺值日蒙

召對四次七月轉大理寺少卿具摺謝

恩

召對詢及仍否留直軍機處奏稱照例應退出直廬

樞相亦頗欲挽留格於例而止堂期到署視
 事兼有與刑部會審之案

派稽查左翼覺羅學十月初六日奉

旨偕吏部侍郎恩公桂馳往福建查辦事件十二日

起程十二月十二日抵杭州查勘學使李國

杞考試新進文章是否多係富室因傳各學

教官詳加詢問並面試新進各生文藝寫作

與正場相符因據實覆奏報

允又接奉

寄信命往東南兩河抽查料堦拜摺後僅赴西湖之

靈隱寺一遊旋即解纜北行於嘉興城外泊

舟度歲

庚子六十歲正月舟抵邵伯湖河一片而運

河東岸又冲開缺口約三十餘丈東北風緊

絳斷為風所送幾入湖心賴有丈餘一綫薄

隄得以暫泊中夜不寐次早風勢稍定乃挂

帆北行十二日抵袁江十三日與恩小山少

宰分道往查間有數處料堦單薄虛鬆者十

八日由徐州渡黃廿一日於宿遷晤小山乃

具摺聲覆次辰仍由山路赴沛城廿九日住

河帥公解初一日啟行仍南北岸分道往查
初九日竣事於衛糧廳會齊繕摺覆奏叅覈
數員乃由衛輝北上月杪旋京請

安蒙

恩召對詢及京察尙須補行引

見

特旨照舊供職吏部毋庸帶領因憶嘉慶年間盧文

肅公會奉此

諭真曠典也次日具謝摺復

召對細詢兩河風氣何如謹一一陳奏三月初六日

蒙

恩在軍機大臣上學習行走次辰

召對奏

臣

才識平常深懼不克勝任

諭以汝年已六十向未外任若授以藩臬轉須學習
軍機事件辦理有年總須愈加慎密且汝老成持
重朕所深知因碰頭敬謝退仍與穆王兩相一同

旅見又蒙

面諭賞換三品頂帶十六日升宗人府府丞四月有

須往雲南查辦之件因叩頭面奏老母年逾

八十身體素弱未敢遠離蒙

恩細詢老母近况遂免派往此真不世之

鴻慈也夏浙報到嘆夷盜據舟山並來天津要求各

事逐日散直恒遲園中無廡所初賃大樹菴

住三日借廡耆介春相國尺五樓又遷住近

光堂四月

三兒兆濂生

賞二等人獲六兩八月移廡扇子湖初八初十兩日

派入同樂園聽戲後每歲皆與十月初一日

派入

坤寧宮食餽後每歲皆與十一月謁

陵隨扈十二月廿六日

賜御書福壽字後每歲皆與是年端午則有細葛香

囊扇絡宮扇羽扇紙扇藥錠大卷紗織染局

紗之

賜聽戲則有嗶嘰帽緯伽楠手串貢墨漆盒茶瓶磁
碟香齋戒牌荷囊之

賜食餒則有奶餅之

賜隨扈則有線縐果品之

賜圍後則有青狐袍袿之

賜十二月

賜大卷綢緞四連氍毹冰魚橄欖鱒魚鹿肉哈密瓜

晾羊風猪廿九日

賜荷包爆竹麀麀鹿尾野雉冰蠶除夕

賜大荷包一對內金銀錢並金銀八寶各一副計參

列樞省前後十年歲拜

天府奇珍謹誌其始以銘感幸

辛丑六十一歲元旦

手賜荷囊一個內金錢二元正月初二日

派入

坤寧宮食餽後每歲皆與十三日

頒春帖子賞福方十張各色絹紙各二十張湖筆二

十枝硃墨八錠後每歲皆與二月初三日

派人

坤寧宮食餽後亦每歲皆與三月

賞人葠八兩四月

賞冊頁四件手卷五件立軸二件兆瀛謹案是年四月初十日

發下書畫冊及卷軸百餘件分賞樞臣及上書房南齋翰林先公分得冊

四一董香光書唐詩百韻一香光畫冊並詩

一東坡墨蹟二十八字一趙子昂補唐人摹

右軍二帖手卷五一唐法藏禪師書一倪雲

林山水竹石一宋榻定武蘭亭松雪畫蕭翼

賺蘭亭圖同裝一香光山水小

卷立軸二王翬山水唐寅山水

賜端硯一方付長孫承禧敬謹收藏十二月初十日

特授都察院左副都御史前因留直樞省未入諫垣

今拜

恩綸彌深感幸先是夏間大姪兆熊來京老母二

十年未見此孫膝下瞻依慈懷歡慰暇則

剪燈呼坐細話江鄉每至夜分忘倦十一月
遣歸侍吾嫂王恭人

壬寅六十二歲元旦

手賜荷囊並金錢二元正月十六日
命入廷臣宴宴設於

正大光明殿共入席席二人以十六人為限取
二八升之義故事蒙古王二人大學士四人
尚書十人是尚書且有不得與者總憲侍郎

則例不入焉本年去蒙古王二人又王相國

鼎奕協揆經俱奉使在外

特恩以吉都護倫泰及霖補之在廷諸臣俱稱為自

來未有之曠典是日堂上堂下俱設樂又於

丹陛下設布臺演劇三齣宴畢

賜蟒衣一襲大緞一卷玉瓶一具瑪瑙鼻煙壺一箇
貢煙一瓶珠絡玻璃鐙一對銅手烘一具並
撤宴賜於家四月

賜人蔭八兩五月升兵部右侍郎十一月調戶部右

侍郎兼管錢法堂事務

恩賞紫禁城騎馬預辦戶部

京察

癸卯六十三歲元旦

親賜荷囊金錢正月二十二日奉

硃諭戶部侍郎何汝霖夙夜在公勤勞備至朕難以

言喻著交部議敘欽此臣以新進之員叨蒙

褒敘撫躬循省且感且慚二月

命偕尙書恩

桂 祁騫藻

侍郎陳

官俊

惟勤阿

靈阿 盤

查銀庫捐項一百三十六萬有奇六日而竣

四月

賞人蔭八兩五月

賞御服紗袍一襲異數也六月十八日

命偕敬協揆

徵

馳往南河覆看挑挖引河並大工合

龍事宜七月初六日行抵齊河奉

命改赴東河查勘中河九堡漫口情形拜摺後改道

河南因夏雨經旬橫潦滿道逐日繞越驛站而行事急路迂不勝焦灼中元日始抵廟工與河督慧成中丞鄂順安熟籌各節次日將由祥河南渡而偵者云是夜黃流旁溢不可挽渡仍折回廟工改轍而東由蘭儀渡黃三日甫到黑岡宿焉次日同赴河口乃知十五之夜河流遽長一丈四五尺口門宣洩不及旁引兩岸廬舍悉歸巨浸村民在夢中者多

被淹沒亟丈量中河九堡界內漫口約三百餘丈趕作盤頭兩壩以防刷寬因間日到工料量堵合事宜閏月初偕敬協揆赴汴省五門皆閉由馬道上城而入住貢院上年所重建也四日仍回黑岡派員相度形勢分別正堤二壩及攔黃堰挑水壩各基址並酌派在工各員具摺請敕籌款各員繪圖送閱復酌加刪定鍾雲亭祥補河帥又

命廖大司空

鴻荃

會辦得

旨即發摺九月三日起程行十七日抵京

召見諭以本欲令汝留工會辦因念爾母年逾八旬

特令汝歸以免懸望

小臣

毫無報稱乃荷

聖慈體恤至此感激涕零不知所云惟碰頭鳴謝而

已是日退直返廬叩見丁太夫人敬述

聖諭老母率舉家長跪謝

恩次早

召對又詢及老母精神眠食謹一一陳奏先是在

工日蒙

恩頒賜影湖樓陳設硯六方共一匣並

高廟御製銘搨本賜於家十二月署吏部右侍郎

甲辰六十四歲元旦

親賜荷囊金錢三月

命偕惠親王定郡王尙書恩

桂

侍郎端

華

成

大挑

舉人計與挑者四千六百餘名四日竣事四

月

賞人獲八兩五月

賞內廷貼落字畫十二件皆乾隆時名人手蹟也寶

泉局積存未解錢二十八萬串上年奏准於

兵餉內添搭半成甫年餘放竣外間虧空之

議乃息摺內並聲請嗣後月清月款不准積

存十二月轉左侍郎兼管三庫事務初開庫

日見庫書得進庫門庫丁出入俱著衣與舊

例異因奏明仍復舊制報

允順天捐輸

男兆瀛

議敘郎中分兵部在職方司行

走是年鄉試再取謄錄卷出山東陳琴山編

修枚房

乙巳六十五歲元旦

親賜荷囊金錢三月

命署戶部錢法堂事務四月二十六日蒙

恩升授兵部尚書任侍郎兩載卽擢正卿為自來所

恩代鮮罕有

鴻慈逾格且感且慙

男兆瀛

迴避調戶部廣東司行

派充武會試較射大臣

命佩兵部印鑰預辦兵部

京察是年恭遇

覃恩

曾祖父母

祖父母

父母山封典如例

丙午六十六歲元旦

手賜荷囊如意正月二十三日奉

硃諭兵部尙書何汝霖精勤襄贊一德一心著交部

議敘欽此三月隨扈

西陵南苑

命佩行在兵部印鑰四月

長孫女

贅壻中翰吳

吉昌

子

邦治

也六月爲

長孫承禧

聘定陽湖汪光

祿

本銓

長女以

次孫女

許字伍實生中丞之

孫式之孝廉之子

振麟

九月初八日京兆榜

發

男兆瀛

中式五十一名舉人次晨面謝

天恩初十日具摺並率

兆瀛在

宮門碰頭座師祁春圃大司農文孔修大司馬

福元修少宰房師廣東羅鳴菴編修

傳球十

四日

正大光明殿覆試

兆瀛

取列一等第十二名次

早謝

恩垂詢年歲及應試幾次十二月接南信知

姪孫承

祐生子 慶良大姪兆熊之長孫也 丁太夫

人聞之喜動顏色二十九日

賞御書龍字一軸

丁未六十七歲元旦

面賜荷囊金錢正月初五日循例具奏 母氏本年

九十歲親見七代五世同堂蒙

恩垂問備悉是日奉

上諭兵部尚書何汝霖奏伊母丁氏現年九十歲迎

養在京五世同堂親見七代據實奏聞一摺何汝

霖之母丁氏年屆九旬五世同堂親見七代承恩
 祿養洵為盛世嘉祥覽奏之餘朕心實深欣悅加
 恩特賜伊母御書匾額一面福壽字各一方如意
 一柄大卷江綢四匹大卷八絲緞四匹以示恩渥
 其例應賞資之處仍著原籍該督撫循例具題欽
 此初六日

御書壽宇春暉匾額福壽字及上方珍物下
 頒賞到家用鼓樂彩亭恭迎陳設廳事 太夫人扶

掖降階率舉家行九叩首禮次日具摺謝

恩二月初一初二演劇稱觴二日三月二十四日係
 太夫人壽辰復在家演劇稱慶二十八日

隨扈

東陵南苑四月 兆瀛 會試不售取謄錄第四名卷出

山東毛季雲編修 鴻賓 房是月三十日晚

太夫人偶患腹泄五月初七日仙逝哀痛將
 事八月偕蓮仙弟買舟扶柩南旋留 男兆瀛

在京供職十月抵籍自朝陽門入城假黨公巷陸氏宅治喪冬月發引寄供於雨花岡之

永明菴嫂王恭人卒

四兒兆溥生

戊申六十八歲在籍守制間數日到永明菴

叩奠 慈殯或襆被宿殯官之側郭外古刹

時一探訪藉與二三老友茶話句留一壑一

邱如尋舊夢夏江潮盛漲城中萬戶半在水

中入秋水漸消落大吏請余出襄勸賑事因

捐銀二千兩以為之倡奏入蒙

恩優敘冬集癸酉同年丁德郊

金榜 陳仲衡 大均 王

蓬雲

德輿

何蕃園

其輿

為真率會卅年蘭譜

重聚梓鄉齒錄晨星頭顱秋雪一樽話舊感

慨係之已

己酉六十九歲四月葬鄭夫人於神策門外

邁皋橋十方菴菴後之原六月城中復大水

較去年倍之黨公巷寓一日忽水深數尺亟

移寓南城仙鶴街張玉崑宅借居七月水退

復移寓九兒巷與大姪兆熊寓衡宇相望八

月初四日奉太夫人靈匱於南門外打魚

趙村與先光祿公合葬二十日服闋起程

北上九月二十二日抵蘆溝橋男兆瀛來迎

知長孫承禧八月十八日授室老懷欣慰之

至二十三日到京二十四日赴園具摺請

安

召見諭令仍在軍機大臣上行走旋奉

旨以一品銜署禮部左侍郎因暫寓觀音菴數日復

假文孔修太宰園寓焉十月初一日

派食神餃初二日

命署理戶部尙書二十三日

面諭嚴冬遇風雪在直房靜坐無庸進內因老年防

傾跌也

聖恩高厚體恤優加捐糜不足云報二十六日

賞御服烏雲豹袍二十七日

賞海澱娘娘廟官房一所十一月移居

賜第十二月

孝和皇太后慈馭上賓因寓西安門內靜默寺齋宿
派查京通十七倉

庚戌七十歲正月十四日

上御慎德堂召見大臣樞臣五人御前大臣定郡王
尙書文慶一同進見承

旨下旋聞

龍馭上賓呼搶悲哀攀號莫及是日隨

皇上進宮退直在朝房齋宿承

命撰擬詔令謹和淚濡毫仰體

聖天子追慕孝思每擬一篇輒爲嗚咽二十六日
皇上登極朝服行禮

賞

遺念海龍冠一頂灰緞棉袍一領荷包二玉珮一四

月

賞人棧八兩五月

賞紗三卷十九日奉

命補授禮部尚書九月十九日隨扈

聖駕恭奉

宣宗成皇帝梓宮自圓明園起行

命和

御製奉移述哀七律一首

兆瀛謹案詩云
橋山西望繞璇流雲氣

蕭森黯晚秋六字金湯

遺澤遠萬年

弓劍

德徽留松楸

手

植瞻彌戀葵藿心傾願莫酬霜露感時
欽 舜慕尊崇難解 聖懷愁 二十

五日

賞隨扈加二級歸餽寓西安門內為退直休沐地

此宅乃譚宛江孝廉舊居孝廉謝世廿餘載

家道中落老屋轉售他人重覓巢痕愴懷舊

雨古人以三十年為一世光陰過客去而不

留秉燭之遊謫仙所感余受

恩山重報畝塵輕虛糜俸錢素餐自愧重以故鄉天
末家無一椽遙望白門子規聲懶每當退食
棖觸於心淳甫相國書還讀齋額見貺泉明
高致愧不敢承差幸日手一編猶是當年面

目耳十月初一日

派食神餽十二日

長曾孫佑官

生十六日

命和

御製誠肅殿述志七律一首

兆瀛謹案詩云
端拱辰居體

聖慈春霜秋露
天恩厚 齋莊敬答

恭默常深道
統思

帝德

廣淵濃化洽
微臣愧乏涓埃

宸章巍煥典
節兢兢夙夜寅

又和

御製齋居有感七律一首

兆瀛謹案詩云
念民依所

昊貺
厘

前期齋邀
璇題煥

詔親臨
法

敬天高仰
祖虔思

聖澤深葭管初陽迴暖律
精忱幸叨扈從同星共於萬斯年頌自今

十二月初五日廕生題本上

男兆濂

准子從一品廕生初十日

頒賜

宣宗成皇帝詩文餘集二函二十九日

賞大小荷包八寶金鏢三十日

頒賞麇鹿全分

辛亥咸豐元年七十一歲元旦

親賜荷囊金錢初二日

派食神餃

命和

御製元旦五律一首

兆瀛謹案詩云萬物新生際先春日載陽 啟元三殿

闕

敷化九衢康綬靖周寰宇和甘溥井堯欽 聖治玉燭慶

光 重 十三日

命和

御製詣齋宮作七律一首

兆瀛謹案詩云蒼昊清風徹九街

法宮清穆仰稔孚甲先蘇百穀

心齋

祈辛早卜三登軫念茅檐新錢縛

格 儀型

天人洽溥海綬豐慰

精誠上聖懷

賞大三月十五日

命恭進

命太妃晉封冊寶

賞大緞一連荷包二對二十七日因腿疾請假五

日四月初八日

命和

御製詣齋宮作七律一首兆瀛謹案詩云

聖仁

齋名虔祝為斯民連朝雲氣霽

徹夜雨聲聞九闈已慶豐秋滋有象定看函

賞人蓑八兩七月二十九日面陳腿疾蒙

恩優加矜恤諭令休沐五日俾息勞筋跪聆之餘

益深感戴八月

頒賜

御製御門聽政詩墨刻

命佩帶禮部印鑰長孫承禧初應京兆試卷出廣

西蔣霞舫編修達房薦而未售十一月二十

顯日感冒請假十二月初十日銷假請

安面詢病狀諭令奏事太監每日扶掖進內真曠

典也十四日

賜御書龍字一幀預辦壬子年禮部京察本年

恭遇

覃恩曾祖父母祖父母父母俱蒙

恩子正一品封誥並賜贈伯父諱天昌公光祿

大夫伯母胡氏一品夫人

壬子七十二歲元旦

親賜荷囊金錢初二日

派食神餽初三日進見因腿軟失儀請假十日十

五日續請假二十日二十三日奉

硃諭禮部尙書何汝霖在軍機處行走有年實力

劬勤殫心竭慮自軍興以來夙夜在公勤勞倍

著著交部議敘欽此二月初五日病仍未痊再

請假十日蒙

恩賞二十日至二十四日假滿腿疾仍未輕減乃

具摺附報呈遞奏請開缺奉

旨再賞假一個月毋庸開缺三月初三日奉安禮
成因禮部承辦喪儀蒙

恩賞加二級三月十六日一月假滿腿疾未愈如

舊因念職守久曠心實不安若勉強晨趨而
步履依然竭蹶身受

三朝恩遇何敢瀆請懸車因於十七日具摺請

安面陳病狀渥荷

天恩高厚垂問諄諄旋奉

上諭本日禮部尚書何汝霖銷假面陳腿疾尙未
全愈懇請開缺朕察其精神未遽衰頽惟起跪
稍形竭蹶因思軍機大臣事務較繁若仍令入
直轉非所以示體恤何汝霖著加恩毋庸在軍
機大臣上行走仍在禮部衙門辦事不必開缺
以示朕篤眷耆臣至意欽此次日具摺謝

恩復蒙

召對慰恤再三曷勝銜感伏念樞垣參列十載於

茲既無入告之嘉謨但有不言之温室蕭衰

顧影樹立何時雖

君恩曲示優容而臣力實形頽憊矣爰於是月二

十日移寓米市胡同四月兆瀛會試又不售

初三日二孫女贅壻二十八日子婦蔡氏故

婦來吾家幾三十載鄭夫人謝世後家政

賴伊料理事祖姑二十年尤能曲盡孝道

一旦委化頗戚老懷五月禮部值日

召見命遇本部值日間留署一二次不必常川赴

園六月

派偕尚書禧恩監修貢院工程初七日

派入

同樂園聽戲凡四日假寓於三晉會館卽余扇

子湖舊居也初九日

萬壽聖節隨班祝

嘏

賞貢墨一匣帽緯一匣玉如意一柄荷包二對袍

鞋料一襲鼻煙一箱磁壺一具初十日

賞古銅鑪一具磁盤二件玻璃碗二件荷包二對

茶葉一瓶二十七日次曾孫構官生九月十

一日赴朝陽門送

駕十九日赴燕郊接

駕次日赴園在紅橋跪迎二十三日值日

召見垂問河工軍務甚悉歷三刻之久兩腿如木

不能舉步老態如是心竊自危也十月初一

日

派食神餒是月捐備軍餉三千兩蒙

恩賞收存記謹案咸豐四年二月初五日奉旨原任尚書何汝霖之子戶部郎中

何兆瀛著賞加知府銜欽此

賜進士出身

誥授光祿大夫

實錄館副總裁

賜紫禁城騎馬軍機大臣工部尙書隨帶加八級軍
功加一級門人彭蘊章頓首拜填諱

補述

十一月二十六日 先公卒中未疾至十二

月初四日酉刻薨於位初六日遺疏上奉

上諭禮部尙書何汝霖持躬謹愨辦事實心由部

曹充軍機章京蒙

皇考宣宗成皇帝迭加簡任以大理寺少卿贊襄樞
務洊擢正卿服闋回京仍在軍機大臣上行走
朕御極後由署禮部侍郎授禮部尙書見其醇

謹老成優加委任前因腿疾懇請開缺特加體恤諭令毋庸入直仍在禮部辦事茲因患病賞假調理方冀速痊常資倚畀遽聞溘逝軫惜殊深著賞給陀羅經被派恭親王奕訢帶領侍衛十員卽日前往奠醑加恩晉贈太子太保銜照尚書例賜卹任內一切處分悉予開復應得卹典該衙門察例具奏伊長孫監生何承禧著賞給舉人准其一體會試用示朕篤眷耆臣至意

欽此

兆瀛

謹案初六日巳刻內務府官送陀羅

經被至 恭親王來賜奠先是 王將到門

內務府官送金奠池金壺金杯至樂部送御

樂至謹設蒙黃罩高几於靈前几上供奠池

杯壺 王到門十侍衛分兩行立於廳事階

下

兆瀛

率 弟兆濂子承禧

縞素跪迎於大門

外俟 王降輦叩頭起隨 王入跪於西階

下侍衛立於靈前東西階下樂作 王立奠

三爵畢樂止 兆瀛 等免冠碰頭謝

恩起先行跪送於大門外俟 王升輦叩頭禮畢

十六日奉

旨予諡恪慎 兆瀛 謹案諡法考敬恭官次威容端

嚴溫恭朝夕皆曰恪夙夜敬畏曰慎

二十二日

上遣禮部尚書宗室公奕湘諭祭 兆瀛 謹案是日

備黃亭祭文架黃綢 黃綢備裏祭文筒筒由禮部備 請親友

四人蟒袍補袪至禮部大堂祭文前行一跪

三叩禮捧祭文安黃亭內架上乘馬前引在

黃亭之前用龍鳳扇龍旗黃節提爐御棍統

在亭前鼓樂隨之禮部官隨行至門孝子青

長袍袪跪迎於大門外前引先行禮部司官

在後司官二人請祭文入安黃案上 案用黃套設月

台上設奠具 用高几黃桌圍 備祭品如禮 卽

東南 席外加 讀祝官 鴻臚寺 向西北立讀 天使

立奠酒三爵

遞酒進爵皆禮部司官

孝子跪於月台之

西讀畢司祝送燎所

月台下正中預設燎池

孝子至台

下北向行三跪九叩禮謝

恩畢請

天使入席呈禮物孝子謝

天使於階

下跪送於大門外禮成

二十八日舉殯供於觀音禪院

咸豐三年三月

日

御製碑文下

國史有傳

孤兆瀛泣血敬述

先公服官垂四十年受

國史官勳

右 先宮太保恪慎公自訂年譜紀事至咸豐二年十月止蓋月一紀述十一月之事尙未輯錄而二十六日疾作此冊遂成絕筆矣嗚呼痛哉 先公服官垂四十年受宣宗成皇帝特達之知今

皇帝復優加委任本年三月因腿疾久久未愈面乞致仕乃

諭解樞直仍掌容臺一載以來於入署辦公之餘

間與一二故交歡聯文讌自謂

內廷供職二十餘年日逐晨趨精力漸難支柱
今幸春官事簡得以退食清閒優游晚歲此
皆仰荷

聖恩體恤方冀從容頤養百歲可期冬月廿五日
天子御門聽政猶侍朝班次日散署歸小步庭除
撫弄曾孫以爲娛樂詎料是夕猝中末疾請
假八日遂爾棄養嗚呼痛哉當捐館之前二

日連夕夢銜

恩命有事於豐工湖湘之間感事憂時慟哭而寤
忠愛之篤夢寐不忘一念純誠信無愧

三朝知遇矣遺疏入告

天子悼惜卽命 恭親王賜奠於家

特晉宮銜

寵頒經綈邀易名之

盛典衍科目於孫枝祭葬銜

恩尤光泉壤飾終典禮至渥至隆此則世世子孫

捐糜難報者也 兆瀛 等孤露餘生罪深孽重

苦廬伏處繕錄遺書因和淚濡毫詮次梗概

至先公平日入告嘉謨所獻替贊襄者定

復不少温室之樹退食不言 兆瀛 等無從纂

述謹刊此册以備

國史採覽並祈

當代大人先生賜之銘誄俾光家乘曷勝啣

結之至

孤何兆瀛等泣血謹述



--	--	--	--	--	--	--	--

卷八

海河米

臺

罪



